



Projet promovût di 'La Vòs dai Furlans' e 'ARLeF'

Lu saveviso che...?

# MAMAN

la VÒS dai FURLANS



Otto D'Angelo

Il timp di Pasche al è siôr di tradizions in Friûl: la plui cognossude e je chê di colorâ i ûfs dûrs cun colorants naturâi e plantis. Daûr di ce che si dopre, par esempi cevole, cafè o cernicule, i ûfs a cjapin colôrs diferents. Tal Cividin, dome intai dîs di Pasche e di Lunis di Pasche, si zuie di "Truc". Al è un zûc antîc, dulà che si fasin cori i ûfs colorâts intun percors ovâl sul savalon. L'obietîf al è chel di fâju tocjâ tra di lôr. Cualis sono lis vuestris tradizions di Pasche?

CJANTIN INSIEMI



"Din, don, campanon, trê pulzetis sul barcon  
Une e file, une e daspe, une e fâs pipins di paste  
par cheste Pasche...!"

Cjantin insieme "Din don campanon" su




## cumò fâs tu

Cjale ben: trops ûfs rivistu a contâ in chest dissen?  
E trops sono chei di colôr ros?



## Piture il dissen



Savêso ce che a àn in comun un ûf di Pasche e il cjapiel di un mâc?  
Dentri di ducj e doi e je une sorprese

Ridi a plene panze!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman?! **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS Noa



**Roc.** Chestis zornadis ti platin plui di une sorprese, soredut tai rapuarts cu lis personis.



**Gjambar.** Cualchi zornade tu sês svearin, cualchi altre indurmidît, cjate une vie di mieç.



**Belance.** Timp indaûr tu âs semenât une vore ben e cumò e je ore di cjapâ sù i risultâts.



**Bec di mont.** Tu âs di sclarîti miôr cuntun ami, che nol à capît ben parcè che tu ti compuartis cussì.



**Taur.** Lis stelis ti dan un biel sburt tai afârs di bêçs, tu âs di approfîtâ ancje parcè che l'aiar al zire.



**Leon.** La invidie e je une brute bestie, soredut se tu le puartis viers cui che ti vûl ben.



**Sgarpion.** No tu rivis a durmî par un probleme che al sta par rivâ, ma no pierdi il sium ti judarâ a frontâlu miôr.



**Agarûl.** Finis di pensâ che tu rivis a otignî dut, al è miôr contentâsi di dulà che tu rivis, che al è za tant.



**Zimui.** Cualchidun al cîr di fâti inçopedâ, tu âs di moviti prime che si inacuarzedi di jessi scuviert.



**Vergjine.** Tu âs pôre che i bêçs no ti bastedin, ma se tu stâs daûr dal to program no tu âs di vê pôre di nuie.



**Sagjitari.** Sul lavôr tu sês une fuarce e ducj ti amirin, ma la tò famee e merete ancje il to timp.



**Pes.** Tu âs salt tal cjâf un pinsîr che ti fâs rabiâ, ma cussì il probleme no tu lu disberdeis.

